


彝族史料集

魏治臻 编
四川民族出版社



22.918
845
1

彝族史料集

魏治臻 编

四川民族出版社

责任编辑：陈 华

封面设计：梅定开

技术设计：李明德

扉页题字：陈永福

彝 族 史 料 集

魏治臻编

四川民族出版社出版发行 (成都盐道街三号)

四川省新华书店经销 四川新华印刷厂印刷

开本850×1168毫米1/32 印张10 插页2 字数246千

1989年10月第一版 1989年10月 第一次印刷

印 数：1—1500 册

定价：3.44 元

书号：ISBN7—5409—0245—0/K·39

前言

彝族是我们多民族伟大祖国中历史悠久、人数较多、分布较广的少数民族之一。

据1982年全国人口普查，彝族有545万余人，主要分布在云南（300余万）、四川（140余万）、贵州（40余万）和广西等民族地区。据有关著作记载，早在远古时代，彝族先民就已在我国西南滇池、邛都等地区生息繁衍。

在我国浩如烟海的历史文献中，有关彝族的历史记录甚为丰富，最早的记录可以上溯到东周赧王姬延时期，自西汉、东汉以降，历代正史和其他专著或有关著述，如：《史记》、《汉书》、《后汉书》中的《西南夷列传》或其他传记和《资治通鉴》、《续资治通鉴长编》、《明实录》、《清实录》以及《华阳国志》、《蛮书》（又称《云南志》）、《南诏野史》……等书中，都或多或少有关于彝族的历史资料。

对这些典籍中的彝族史料的发掘蒐集、整理编纂和探索研究，不仅是彝族史研究的一项基础工作和重要课题，而且是对中国各少数民族的历史分别进行全面深入的研究，从而写出一部包括各少数民族历史在内的完整的中国通史的基础工作和重要依据。

此书按编年体例，收集上自公元前285年，下迄1949年，关于彝族的历史资料共计1524条，共20余万字。编辑此书，历时三年，

编者对于彝族史料虽然已就知见所及竭力进行了蒐集整理，但仍不免有所遗漏缺失，虽然对于所收彝族史料都作了认真的稽核校点，但是缺点失误之处，也仍然是难免的。敬请读者予以指正！

中国社会科学院民族研究所 魏治臻

1986年10月11日于北京

目 录

前言

彝族史料

一、先秦·····	1
二、两汉·····	2
三、魏晋南北朝·····	17
四、隋唐·····	23
五、宋·····	50
六、元·····	77
七、明·····	134
八、清·····	233
九 民国·····	294

一、先 秦

●公元前285年 丙子 周赧王三十年

疑蜀侯綰反，(秦)王复诛之，但置蜀守；张若因取笮及其江南地也。

《华阳国志》卷3页30

●前280年 辛巳 周赧王三十五年

秦之司马错经蜀伐楚及黔中时，至楚之道路断绝。楚将军庄蹻无法返回，于是定居云南。称之为滇国，自立为王。

《资治通鉴》卷4页16

二、两 汉

●前135年 丙午 汉建元六年

夜郎旁小邑，皆贪汉缯帛，以为汉道险，终不能有也，乃且听（唐）蒙约。还报，乃以为犍为郡。

《史记·西南夷列传》

●前135年 丙午 汉建元六年

蜀人司马相如亦言：“西夷邛、笮可置郡。”使相如以郎中往谕，皆如南夷，为置一都尉十余县，属蜀。

《史记·西南夷列传》

●前122年 己未 汉元狩元年

博望侯张骞使大夏来，言居大夏时见蜀布、邛竹杖。使问所从来？曰：“从东南身毒国，可数千里，得蜀贾市。”或闻邛西可二千里，有身毒国。……于是天子乃令王然于、栢始昌、吕越人等，使间出西夷西，指求身毒国。至滇，滇王尝羌乃留为求道西十余辈，岁余，皆闭昆明，莫能通身毒国。

《史记·西南夷列传》

●前122年 己未 汉元狩元年

南越破后，及汉诛且兰、邛君，并杀笮侯。冉、駹皆振恐，

请臣，置吏，乃以邛都为越嵩郡，笮都为沈犁郡，冉、駹为汶山郡，广汉西白马为武都郡。

《史记·西南夷列传》

●前111年 庚午 汉元鼎六年

汉兵自越嵩水伐邛都夷，以为越嵩郡。王莽遣长贵为领戎大尹守之，更名为集嵩也。县，故邛都国也。

《后汉书·南蛮西南夷传》

●前111年 庚午 汉元鼎六年

邛都夷者，武帝所开，以为邛都县。无几，而地陷为汙泽，因名为邛池，南人以为邛河。后复反叛。元鼎六年，汉兵自越嵩水伐之，以为越嵩郡。其土地平原，有稻田。青蛉县禺同山，有碧鸡金马光景，时时出见。俗多游荡，而喜讴歌，略与牂柯相类。豪帅放纵，难得制御。

《后汉书·南蛮西南夷传》

●前111年 庚午 汉元鼎六年

笮都夷者，武帝所开，以为笮都县。其人皆被发左衽，言语多好譬类，居处略与汶山夷同。……元鼎六年，以为沈犁郡。

《后汉书·南蛮西南夷传》

●前111年 庚午 汉元鼎六年

汉武帝开越嵩郡。王莽曰集嵩，属益州。户六万一千二百八，口四十万八千四百五。县十五：邛都、遂久、灵关道、台登、定笮、会无、笮秦、大笮、姑复、三绛、苏示、阰、卑水、濡街、青蛉。

《汉书·地理志》上

●前109年 壬申 汉元封二年

上使王然于以越破及诛南夷兵威，风喻滇王入朝。滇王者，其众数万人，其旁，东北有劳浸、靡莫，皆同姓相扶，未肯听。劳浸、靡莫数侵犯使者吏卒。元封二年，天子发巴蜀兵击灭劳浸、靡莫，以兵临滇，滇王始首善，以故弗诛。滇王离难西南夷，举国降，请置吏入朝。于是以为益州郡。赐滇王王印，复长其民。

《史记·西南夷列传》

●前109年 壬申 汉元封二年

滇王者，庄蹻之后也。元封二年，武帝平之，以其地为益州郡，割牂柯，越嶲各数县配之。后数年，复并昆明地，皆以属之。

《后汉书·南蛮西南夷传》

●前109年 壬申 汉元封二年

叟反，遣将军郭昌讨平之。因开为郡，治滇池上，号曰益州。汉乃募徙死罪及奸豪实之。

《华阳国志·南中志》

●前105年 丙子 汉元封六年

以广汉西部、蜀南部为越嶲郡；北部冉、駹为汶山郡；邛笮为沈黎郡。合置二十余县。

《华阳国志》卷3页32

●前97 甲申 汉天汉四年

沈黎郡并蜀为西部，置两都尉：一居旄牛，主徼外夷；一居青衣，主汉人。

●前94年 丁亥 汉太始三年

命使西征，随流而攘，风之所被，罔不披靡。因朝冉从骘，定笮存邛，略斯榆，举苞满，结轨还轘，东乡将极，至于蜀都。

《史记·司马相如传》

●前86年 乙未 汉始元元年

益州廉头、姑繒民反，杀长吏，牂柯谈指、同并等二十四邑，凡三万余人皆反。遣水衡都尉，发蜀郡犍为犇命万余人击牂柯，大破之。

《汉书·西南夷两粤朝鲜传》

●前83年 戊子 汉始元四年

姑繒、叶榆复反，遣水衡都尉吕辟胡将郡兵击之。辟胡不进，蛮夷遂杀益州太守，乘胜与辟胡战，士战及溺死者四千余人。

《汉书·西南夷两粤朝鲜传》

●前82年 己亥 汉始元五年

秋，破姑繒、叶榆兵，俘斩三万余人，获畜产五万余头。

《中外历史年表》页116

●公元12年 壬申 新始建国四年

王莽乱政，益州郡夷栋蚕、若豆等起兵杀郡守，越雋姑复夷人大牟亦皆叛，杀略吏人。莽遣宁始将军廉丹，发巴蜀夷人及转兵穀卒徒十余万击之。吏士饥疫，连年不能克而还。

《后汉书·南蛮西南夷传》

●12年 壬申 新始建国四年

以广汉立齐为(益州郡)太守,造起陂池,开通溉灌,垦田二千余顷。率厉兵马,修障塞,降集群夷,甚得其和。

《后汉书·南蛮西南夷传》

●14年 甲戌 新天凤元年

三边蛮夷愁扰尽反,复杀益州大尹程隆。莽遣平蛮将军冯茂,发巴蜀、犍为吏士,赋歛取足于民,以击益州。出入三年,疾疫死者什七,巴蜀骚动。莽徵茂还,诛之。更遣宁始将军廉丹与庸部牧史熊,大发天水陇西骑士,汉、巴蜀、犍为吏民十万人,转输者合二十万人,击之。始至,颇斩首数千;其后,军粮前后不相及,士卒饥疲,三岁余,死者数万。

《汉书·西南夷两粤朝鲜传》

●16年 丙子 新天凤三年

冯英上言:“自越嵩、遂久、仇牛、同亭、邪豆之属反叛以来,积且十年,郡县距击不已。续用冯茂,苟施一切之政。犍道以南,山险高深,茂多驱众远居,费以亿计,吏士罹毒气,死者什七。今丹、熊惧于自诡期会,调发郡县兵谷,夏訾民取其十四,空破梁州,功终不遂。宜罢兵屯田,明设购赏。”莽怒,免英官。

《汉书》卷99中《王莽传》

●24年 甲申 汉更始二年

王莽时,郡守枚根,调邛人长贵以为军侯,更始二年,长贵率种人攻杀枚根,自立为邛穀王,领太守事。

《汉书·西南夷两粤朝鲜传》

●25年 乙酉 东汉建武元年

越雋夷邛穀王长贵降于公孙述。

《大小凉山俅族通考》页96

●25年 乙酉 东汉建武元年

及公孙述据益土，（文）齐固守拒险，述拘其妻子，许以封侯，齐遂不降。闻光武即位，乃间道遣使自闻。

《后汉书·南蛮西南夷传》

●35年 乙未 东汉建武十一年

岑彭征公孙述，邛穀王长贵闻彭威信，数千里遣使迎降。会彭已薨，帝尽以长贵所献赐彭妻子。

《后汉书》卷17页662《岑彭传》

●38年 戊戌 东汉建武十四年

长贵遣使上三年计，天子即授越雋太守印绶。

《后汉书·南蛮西南夷传》

●42年 壬寅 东汉建武十八年

夷渠帅栋蚕与姑复、櫟榆、撝栋、连然、滇池、建伶、昆明诸种反叛，杀长吏。益州太守繁胜与战而败，退保朱提。

《后汉书·南蛮西南夷传》

●43年 癸卯 东汉建武十九年

遣武威将军刘尚等，发广汉、犍为、蜀郡人及朱提夷，合万三千人击之（按：指栋蚕、姑复……建伶等）。尚军遂渡泸水，入益州界。郡夷闻大兵至，皆弃垒奔走，尚获其羸弱谷畜。

《后汉书·南蛮西南夷传》

●43年 癸卯 东汉建武十九年

九月，武威将军刘尚击益州夷，路由越嶲。长贵闻之，疑尚既定南边，威法必行，已不得自放纵。即聚兵起营台，招呼诸君长多酿毒酒，欲先以劳军，因袭击尚。尚知其谋，即分兵先据邛都，遂掩长贵诛之，徙其家属于成都。

《后汉书·南蛮西南夷传》

●44年 甲辰 东汉建武二十年

十二月，刘尚进兵与栋蚕等连战数月，皆破之。

《后汉书·南蛮西南夷传》

●45年 乙巳 东汉建武廿一年

正月，（刘尚兵）追至不韦，斩栋蚕帅，凡首虏七千余人，得生口五千七百人、马三千匹、牛羊三万余头，诸夷悉平。

《后汉书·南蛮西南夷传》

●47年 丁未 东汉建武廿三年

哀牢王贤栗遣兵乘箬船南下江汉，击附塞夷鹿蓼，鹿蓼人弱为所擒获。……箬船沉没，哀牢之众溺死数千人。贤栗复遣其六王将万人以攻鹿蓼，鹿蓼王与战，杀其六王。

《后汉书·南蛮西南夷传》

●51年 辛亥 东汉建武廿七年

哀牢王贤栗等率种人户二千七百七十、口万七千六百五十九，诣越嶲太守郑鸿降，求内属。光武封贤栗等为君长，自是岁来朝贡。

《后汉书·南蛮西南夷传》

●58年 戊午 东汉永平元年

永平元年至十八年，郑纯为永昌郡太守。纯与哀牢夷人约，邑豪岁输布贯头衣二领、盐一斛，以为常赋，夷俗安之。

《后汉书·南蛮西南夷传》

●58年 戊午 东汉永平元年

姑复夷复叛，益州刺史发兵讨破之，斩其渠帅，传首京师。

《后汉书·南蛮西南夷传》

●59年 己未 东汉永平二年

越雋太守巴郡张翕，政化清平，得夷人和。在郡十七年，卒，夷人爱慕如丧父母。苏祈叟二百余人，贡牛羊送丧，至翕本县安汉，起坟祭祀。诏书嘉美，为立祠堂。

《后汉书·南蛮西南夷传》

●67年 丁卯 东汉永平十年

置益州西部都尉，居雋唐。所领六县谓：不韦、雋唐、比苏、牂榆、邪龙、云南也。

《后汉书·南蛮西南夷传》李贤注引《古今注》、《续汉书》

●69年 己巳 东汉永平十二年

哀牢王柳貌遣子率种人内属，其称邑王者七十七人，户五万一千八百九十、口五十五万三千七百一十一。西南去洛阳七千里，显宗以其地置哀牢、博南二县，割益州郡西部都尉所领六县，合为永昌郡。

《后汉书·南蛮西南夷传》

●74年 甲戌 东汉永平十七年

三月，西南夷哀牢、儋耳、徼徕、槃木、白狼、动黏诸种，前后慕义贡献。

《后汉书》卷2页121

●76年 丙子 东汉建初元年

哀牢王类牢与（永昌）守令忿争，遂杀守令而反叛，攻嵩唐城。太守王寻奔牂牁。哀牢三千余人攻博南，燔烧民舍。肃宗募发越嵩、益州、永昌夷汉九千人讨之。

《后汉书·南蛮西南夷传》

●77年 丁丑 东汉建初二年

春，三月，邪龙县昆明夷鹵承等应募，率种人与诸郡兵击类牢于博南，大破斩之。传首洛阳，赐鹵承帛万匹，封为破虏傍邑侯。

《后汉书·南蛮西南夷传》

●91年 辛卯 东汉永元三年

罗甸国上表，请尽归牂柯。

《弘治〈贵州图经志〉》卷1

●116年 丙辰 东汉元初三年

越嵩郡徼外夷大羊等八种、户三万一千、口十六万七千六百二十，募义内属。

《后汉书·南蛮西南夷传》

●118年 戊午 东汉元初五年

春正月，越嵩夷叛。

《后汉书》卷5页228《安帝纪》

●118年 戊午 东汉元初五年

秋七月，越嶲蛮夷及旄牛豪叛，杀长吏。

《后汉书》卷5页228《安帝纪》

●118年 戊午 东汉元初五年

时（越）嶲郡县赋敛烦数，以卷夷大牛种封离等反叛，杀遂久令。

《后汉书·南蛮西南夷传》

●119年 己未 东汉元初六年

永昌、益州及蜀郡夷皆应（封离）之（叛），众遂十余万，破坏二十余县，杀长吏，燔烧邑郭，剽略百姓，骸骨委积，千里无人。诏益州刺史张乔选堪能从事讨之。

《后汉书·南蛮西南夷传》

●119年 己未 东汉元初六年

张乔遣从事杨竦将兵至牁榆……与封离等战，大破之，斩首三万余级，获生口千五百人、资财四千万，悉以赏军士。封离等惶怖，斩其同谋渠帅，诣竦乞降，竦厚加慰纳。其余三十六种皆求降附。

《后汉书·南蛮西南夷传》

●119年 己未 东汉元初六年

杨竦因奏长吏奸猾、侵犯蛮夷者九十人，皆灭死。赐绥六十人，南中清平，自是后少宁五十余年。州中论功未及上，会竦病创卒，张乔深痛惜之，乃刻石勒铭，图画其像。

《后汉书·南蛮西南夷传》